




ფინანსური ანგარიშსწორების წესი სენბის ბაზრების მონაწილეებისათვის

V.2

აღნიშნული დოკუმენტით განსაზღვრული დებულებების გათვალისწინება სენბის მიერ ორგანიზებულ/ადმინისტრირებულ ბაზრებთან ვაჭრობის პროცესში სავალდებულოა.

დოკუმენტის ვერსიები

თარიღი და ვერსია	ცვლილების შინაარსი
15/06/2022 v.1	დამტკიცდა პირველი ვერსია
21/12/2022 v.2	ნახაზები და ცხრილები გადაინომრა. პირველ ნახაზზე გასწორდა სენბის მიერ გარანტიის დადასტურების ვადა. შეიცვალა ცხრილი1-ის შენიშვნა.



ნახაზი 1

A. გარანტიის წარმოდგენა და ასახვა

გარანტიასთან დაკავშირებული საკითხები რეგულირდება ბაზრის წესების VI თავით. მონაწილეს გარანტიის წარდგენა შეუძლია ყოველი სამუშაო დღის 09:00 (CET) საათამდე. სენბი ამოწმებს წარმოდგენილ გარანტიას და დადასტურების შემთხვევაში, მის დადასტურებულ რაოდენობას ასახავს კლირინგისა და ანგარიშსწორების სისტემაში, სადაც მონაწილეს შეუძლია ნახოს მისი დადასტურებული გარანტიების რაოდენობა. იმ შემთხვევაში, თუ სრულად ან ნაწილობრივ არ ხდება გარანტიის დადასტურება, სენბი აღნიშნულის შესახებ დაუყოვნებლივ აცნობებს მონაწილის საკლირინგო წარმომადგენელს. კლირინგისა და ანგარიშსწორების სისტემაში აისახება წარმოდგენილი გარანტიების ჯამური ოდენობა (მაგ: თუ მონაწილეს დადასტურებული აქვს 5,000 ლარის საბანკო გარანტია და ამავდროულად სენბის ანგარიშზე განთავსებული აქვს 3,000 ლარის დეპოზიტი, სისტემაში აისახება ჯამური, 8,000 ლარის ოდენობის გარანტია).

გარანტიის სხვადასხვა ფორმების დადასტურება:

- საბანკო წერილი (გარანტია, სარეზერვო აკრედიტივი): სენბი ამოწმებს წარმოდგენილ გარანტიის ნამდვილობას და მის შესაბამისობას „*მოთხოვნები გარანტიის მიმართ*“ განსაზღვრულ პირობებთან. დადასტურების შემთხვევაში, გარანტია ჩაითვლება მიღებულად, სხვა შემთხვევაში, გარანტიის დადასტურება არ მოხდება და აღნიშნული შესახებ დაუყოვნებლივ ეცნობება მონაწილის საკლირინგო წარმომადგენელს;
- სენბის ანგარიშზე თანხის ჩარიცხვა: სენბი ყოველი სამუშაო დღის 09:00 (CET) საათზე ამოწმებს დეპოზიტის განთავსებისათვის გამოყოფილ საბანკო ანგარიშზე ჩარიცხულ თანხებს, ასევე, მონაწილის მიერ ზედმეტობით გადახდილ და ამავე ანგარიშზე მიმართულ ფულად რესურსებს და შესაბამისი (ჯამური) ოდენობის გარანტიის სახით ასახვა მოხდება კლირინგისა და ანგარიშსწორების სისტემაში. გარანტიის სახით თანხის ჩარიცხვა უნდა მოხდეს შემდეგ ანგარიშზე:

საბანკო ანგარიშის რეკვიზიტები:

ბანკის დასახელება	სს "თიბისი ბანკი"
მიმღები	სს „საქართველოს ენერგეტიკული ბირჟა“
SWIFT	TBCBGE22
IBAN	GE15TB7434736030100003

- ვალდებულების შესრულება მესამე პირის მიერ: სენბის ამოწმებს წარმოდგენილი დოკუმენტების შესაბამისობას „მოთხოვნი გარანტიის მიმართ“ განსაზღვრულ პირობებთან. გადამოწმება სხვა საკითხებთან ერთად შეიძლება მოიცავდეს მესამე მხარის მიერ დადასტურების გადამოწმებას, რისთვისაც, საჭირო იქნება მესამე მხარის დროული რეაგირება, წინააღმდეგ შემთხვევაში, შესაბამისი გარანტიის დადასტურება არ მოხდება.

იმ შემთხვევაში, თუ გარანტიის დროული დადასტურება ვერ მოხდება მონაწილის ან მესამე მხარის ხელმიუწვდომლობის, ან რაიმე სხვა სენბისგან დამოუკიდებელი მიზეზით, გარანტიის კლირინგისა და ანგარიშსწორების სისტემაში ასახვა მოხდება დადასტურების შემდეგ, რამდენად სწრაფადაც ეს ტექნიკურად იქნება შესაძლებელი.

რეკომენდაცია

გარანტია, რომელიც საჭიროებს დადასტურების პროცედურებს, წარმოადგინეთ ვაჭრობის წინა დღეს, რათა დაცული იყოს გაუთვალისწინებელი გარემოებების გამო მისი დადასტურების შეფერხებით გამოწვეული ზიანისაგან.

გარანტიის ოდენობის გაანგარიშება

„დღით ადრე დღიური ბაზრის წესების“ შესაბამისად, ბირჟაზე ვაჭრობა ხდება სავაჭრო ლიმიტებით, რაც გულისხმობს, რომ მონაწილე ვერ განათავსებს განაცხადს, საიდანაც მოსალოდნელი მაქსიმალური ვალდებულება სენბის წინაშე აღემატება მის სავაჭრო ლიმიტს.

სავაჭრო ლიმიტი წარმოადგენს შემდეგი კომპონენტების ჯამს:

- წარმოდგენილი და ხელმისაწვდომი გარანტია (+);
- უკვე განთავსებული განაცხადებიდან გამომდინარე, მაქსიმალური მოსალოდნელი ვალდებულება სენბის წინაშე (-);
- უკვე დაწყვილებული/დასრულებული აუქციონიდან გამომდინარე წარმოქმნილი ვალდებულება, რომელიც არ არის გადახდილი (მიუხედავად იმისა, ინვოისი არის გამოწერილი თუ არა) (+/-).

შესაბამისად, მონაწილემ თავად უნდა განსაზღვროს, თუ რა რაოდენობის გარანტიის განთავსება სჭირდება, საჭირო რაოდენობით ელექტროენერჯით ვაჭრობის მიზნით. გარანტიის საჭირო ოდენობის გაანგარიშებას ახდენს მონაწილე, მისი ვაჭრობის სტრატეგიიდან გამომდინარე.

მონაწილე ასევე თავად განსაზღვრავს, თუ რა ფორმით წარმოადგინოს გარანტია. იგი თავისუფალია გამოიყენოს როგორც ერთი, ასევე ერთზე მეტი ფორმის გარანტია ერთდროულად.

B. ვალდებულებების გაანგარიშება და ინვოისის გამოწერა

B.1 პროცესი


ვაჭრობის ყოველ დღეს, ვაჭრობის შედეგების გაანგარიშების შემდეგ ხდება მიმდინარე ვალდებულებების გაანგარიშება და საკლირინგო ანგარიშების შესაბამისი განახლება. პროცესი ჩვეულებრივ სრულდება შედეგების გამოცხადებიდან 2 საათის განმავლობაში. შედეგები აისახება კლირინგისა და ანგარიშსწორების სისტემაში.

ბირჟაზე ვაჭრობის შედეგად დამდგარი ვალდებულებების შესაბამისად ხდება ინვოისების გამოწერა. დღით ადრე ბაზარზე ვაჭრობის დასრულების შემდეგ, ვაჭრობის დღის 17:00 (CET) საათამდე მონაწილე მიიღებს ინვოისის კლირინგისა და ანგარიშსწორების სისტემაში. ინვოისების გამოიწერება ყოველდღიურად, თუმცა გადახდის ვალდებულება მხარეებს უდგებათ მხოლოდ საბანკო დღეებში, რაც ასახულია ინვოისში. სენზის მიერ ინვოისი გამოიწერება როგორც ბირჟაზე შესყიდულ, ისე გაყიდულ რაოდენობაზე.

ინვოისის გამოწერა შესაძლოა დაგვიანდეს, თუ მოხდა ბირჟაზე წონასწორობის წერტილის დადგენის გადავადება, მათ შორის, მოხდა წონასწორობის წერტილის დადგენა „ალტერნატიული მექანიზმის გამოყენებით დღით ადრე ბაზრის წონასწორობის წერტილის დადგენის წესის“ შესაბამისად.

B.2 ინვოისი

სტანდარტული ინვოისის ფორმა და შესაბამისი განმარტებები მოცემულია ნახაზზე ქვემოთ მოცემულ ნახაზზე.



GEORGIAN ENERGY EXCHANGE
Creating Opportunities

Georgian Energy Exchange
36 K. Khetagurovi st
0102
Georgia

ინფორმაცია მონაწილეზე

სენზის საბანკო რეკვიზიტები

ინვოისის რეკვიზიტები

INVOICE

Delivery Country Georgia
Invoicing Period A

Item	Volume (MWh)	Amount
Bought from GEX		
Physical Energy Purchases (GEXDA)	B	C
Sum Bought from GEX (excl. VAT)		C
Sold to GEX		
Physical Energy Sales (GEXDA)	D	E
Sum Sold to GEX (excl. VAT)		E
Net Amount		F
VAT Amount (0%)		G
Total Amount (GEL)	I	H

*) Reverse charge EU Dir.2006/112 Art. 38 & 195

Please note that Physical Energy Purchases and Sales bought and sold from GEX can include negative prices

Period (01.01.2021 - 09.11.2021)
Incoming VAT Basis (on sold to GEX)
Outgoing VAT Basis (on bought from GEX)

J

Net VAT Basis


ნახაზი 2

- A. პერიოდი (ვაჭრობის), რომელსაც ფარავს ინვოისი
- B. [A] პერიოდის განმავლობაში ბირჟაზე შესყიდული ელექტროენერჯის რაოდენობა (მგვტ.სთ)
- C. [A] პერიოდის განმავლობაში ბირჟაზე შესყიდული ელექტროენერჯის ღირებულება, დღგ-ის გარეშე (ლარი)
- D. [A] პერიოდის განმავლობაში ბირჟაზე გაყიდული ელექტროენერჯის რაოდენობა (მგვტ.სთ)
- E. [A] პერიოდის განმავლობაში ბირჟაზე გაყიდული ელექტროენერჯის ღირებულება, დღგ-ის გარეშე (ლარი)
- F. წმინდა ვალდებულება, სხვაობა [C] და [E] პუნქტებს შორის (ლარი).
- G. დღგ (ლარი)
- H. [F]+[G]
- I. გადასახდელი მხარე (სენზის მიერ გადასახდელი ან მონაწილის მიერ გადასახდელი)
- J. წლის დასაწყისიდან მიმდინარე პერიოდის ჩათვლით ბირჟაზე ვაჭრობის შედეგად მონაწილისთვის გამოწერილი ინვოისების ჯამური ღირებულება, დღგ- გარეშე.

B.3 პორტფელი და საკლირინგო ანგარიში

ბირჟაზე ვაჭრობის მიზნით მონაწილე ქმნის პორტფელებს, რომლის მიხედვითაც ათავსებს განაცხადებს. ვაჭრობის შედეგებიც ასევე მოცემულია პორტფელების მიხედვით.

- მონაწილეს უნდა ჰქონდეს სულ მცირე ერთი პორტფელი;
- მონაწილის პორტფელების რაოდენობა შეზღუდული არ არის;
- ერთი პორტფელით მონაწილემ შეიძლება იყიდოს, ხოლო მეორეთი - გაყიდოს;
- ერთი პორტფელით მონაწილემ შეიძლება იყიდოს (მაგ. 1-15 საათებში) და გაყიდოს (მაგ. 16-24 საათებში) კიდევ.



ნახაზი 3

ანგარიშსწორების მიზნით მონაწილე ქმნის საკლირინგო ანგარიშებს. საკლირინგო ანგარიშის მიხედვით ხდება მისაღები/გადასახდელი თანხების გაანგარიშება და შესაბამისი ინვოისების გამოწერა. რამდენიმე ფაქტი საკლირინგო ანგარიშების შესახებ:

- მონაწილეს უნდა ჰქონდეს სულ მცირე ერთი საკლირინგო ანგარიში;
- თითოეული პორტფელი დაკავშირებული უნდა იყოს საკლირინგო ანგარიშთან;
- ერთი პორტფელი არ შეიძლება დაკავშირდეს ერთზე მეტ საკლირინგო ანგარიშთან, მაგრამ რამდენიმე პორტფელი შეიძლება დაკავშირდეს ერთ საკლირინგო ანგარიშთან. შესაბამისად, მისაღები/გადასახდელი თანხების გაანგარიშება და შესაბამისი ინვოისების გამოწერა მოხდება საკლირინგო ანგარიშთან დაკავშირებული ყველა პორტფელით ვაჭრობის შედეგების აგრეგირებით/შეჯამებით. მაგალითი წარმოდგენილია ქვემოთ მოცემულ ცხრილში.
- გადასახდელი თანხები და გადახდის ვადები განისაზღვრება საკლირინგო ანგარიშის მიხედვით. მაგალითი ცხრილის მიხედვით: თუ მონაწილეს ერთი საკლირინგო ანგარიშის მიხედვით წარმოეშვა ვალდებულება სენბის წინაშე (20 ლარი), ხოლო მეორეთი პირიქით, სენბის წარმოეშვა ვალდებულება მონაწილის წინაშე (50), მონაწილეს წარმოეშვება 20 ლარის გადახდის ვალდებულება ვაჭრობის მომდევნო სამუშაო დღეს, ხოლო ვაჭრობიდან ორი სამუშაო დღის შემდეგ სენბის წარმოეშვება მონაწილისთვის 50 ლარის გადახდის ვალდებულება.

			ელექტროენერჯის ღირებულება (ლარი)			ინვოისის თანხა (ლარი)	გადახდის ვადა
			შესყიდული	გაყიდული	ჯამური		
მონაწილე	საკლირინგო ანგარიში A	პორტფელი 1	-100	0	-100	-50	D+1
		პორტფელი 2	0	50	50		
	სა B	პორტფელი 3	-100	120	20	20	D

უარყოფითი რიცხვი აღნიშნავს სენბის ვალდებულებას მონაწილის წინაშე, დადებითი რიცხვი - მონაწილის ვალდებულებას სენბის წინაშე

ცხრილი 1

C. ინვოისით გათვალისწინებული თანხის ჩარიცხვა/გადარიცხვა

C.1 პროცესი

დღით ადრე ბაზარზე ვაჭრობის შედეგად წარმოქმნილი ვალდებულების გადახდა:

- მონაწილემ უნდა უზრუნველყოს ვაჭრობის მომდევნო საბანკო დღეს, 13:00 (CET) საათამდე (ამ ვადაში უნდა მოხდეს სენბის ანგარიშზე თანხის ასახვა);
- სენბიმ უნდა უზრუნველყოს ვაჭრობიდან 2 საბანკო დღის ვადაში.

საკლირინგო ანგარიშის განახლება და გადახდების ასახვა კლირინგისა და ანგარიშსწორების სისტემაში - სენბის ანგარიშზე 13:00 (CET) საათის ჩათვლით ჩარიცხვების დამუშავება სრულდება 15:00 (CET) საათამდე და ეტაპობრივად 16:00 (CET) საათამდე აისახება კლირინგისა და ანგარიშსწორების სისტემაში.

ფინანსური ანგარიშსწორებისას (თანხის გადარიცხვისას) გაიქვითება ის ინვოისები, რომელთა გადახდისა (სენბისთვის გადახდა) და მიღების (სენბისგან მიღების) ვალები ემთხვევა ერთმანეთს. შესაბამისად, გადარიცხვა მოხდება გაქვითული თანხის შესაბამისად.

მაგალითი:

დღით ადრე ბაზარზე 5 მარტის ვაჭრობის შედეგების მიხედვით, სენბის მონაწილისთვის გადასახდელი აქვს 50 ლარი **7 მარტს**, ხოლო 6 მარტის ვაჭრობის შედეგების მიხედვით, მონაწილეს სენბისთვის გადასახდელი აქვს 70 ლარი **7 მარტს**. მონაწილე უფლებამოსილია სენბის გადაუხადოს მხოლოდ სხვაობა, 20 ლარი.

მონაწილის მიერ ბირჟაზე ნავაჭრი ელექტრონურგის ღირებულების გადახდა ხდება სენბის მიერ ამ მიზნით განსაზღვრულ საბანკო ანგარიშზე. გადახდისას დანიშნულებაში უნდა მიეთითოს შემდეგი ინფორმაცია: **სეგმენტი/სეგმენტები და შესაბამისი ვაჭრობის დღეები, ინვოისის/ინვოისების ნომრები.**

საბანკო ანგარიშის რეკვიზიტები:

ბანკის დასახელება	სს "თიბისი ბანკი"
მიმღები	სს „საქართველოს ენერგეტიკული ბირჟა“
SWIFT	TBCBGE22
IBAN	GE58TB7434736030100005

გაფრთხილება

გათვალისწინეთ, რომ სწორ ანგარიშზე და ზუსტად მოხდეს თანხის ჩარიცხვა. ბირჟაზე ვაჭრობის ანგარიშსწორებისათვის გამიზნულ ანგარიშზე ჩარიცხვა, მიუხედავად მიზნისა, მიიჩნევა, რომ არის ბირჟაზე ვაჭრობის შედეგად ბირჟის ოპერატორის წინაშე წარმოქმნილი ვალდებულების გადახდა. ზედმეტობით ჩარიცხული თანხა ავტომატურად განიხილება როგორც დეპოზიტი და შესაბამისი თანხა აისახება როგორც მონაწილის გარანტია.

C.2 ანგარიშსწორება ფაქტორინგით

ბირჟის მონაწილეს უფლება აქვს სენბისთან ანგარიშსწორება აწარმოოს ფაქტორინგის ხელშეკრულებით, სენბის, მონაწილესა და ფინანსურ ინსტიტუტთან დადებული სამმხრივი ხელშეკრულების საფუძველზე, შემდეგი პირობებით:

- ხელშეკრულების საგანს წარმოადგენს ბირჟაზე ელექტროენერჯის შესყიდვის შედეგად წარმოშობილი ვადამოუსვლელი ვალდებულების ფაქტორისთვის გადაკისრება;
- ხელშეკრულებით ფაქტორი აცხადებს თანხმობას მოვალის ინვოისის გადახდაზე, სენბის მოთხოვნისა და მონაწილის მიერ ბირჟაზე შესყიდული ელექტროენერჯის გადასახდელ ღირებულებაზე ინვოისის მიღებიდან 1 (ერთი) სამუშაო დღის ვადაში. ინვოისი წარმოადგენს ბაზრის წესების შესაბამისად სენბის სავაჭრო პლატფორმაზე გენერირებულ დოკუმენტს (ბაზრის წესები, მუხლი 45);
- ითვალისწინებს მოვალისა და ფაქტორის მიერ შესაბამისი შეტყობინების კრედიტორისათვის გაგზავნას.

ფაქტორინგით ანგარიშსწორების შემთხვევაში მოქმედებს გადახდის იგივე ვადები, რაც სტანდარტული გადახდის შემთხვევაში.

ფაქტორის მიერ ინვოისის დროული გადაუხდელობისას, სენბი უფლებამოსილია გაანადღოს ის მოვალის გაფრთხილების გარეშე.

D. მომსახურების საფასურის დარიცხვა და ბუღალტრული აღრიცხვა

ბირჟის ოპერირების საფასურის დგინდება კომისიის მიერ. ბირჟის თითოეული სეგმენტისათვის დგინდება სამი სახის საფასური. ცხრილში მოცემულია საფასურები და მისი გადახდის ვადები:

- ბირჟაზე ნავაჭრი ყოველი მგვტ.სთ ელექტროენერჯისთვის;
- წლიური საფასური ბირჟაზე დაშვებისთვის, რაც მოიცავს ბირჟის შესაბამის სეგმენტზე ერთი პორტფელის რეგისტრაციის საფასურს;
- წლიური საფასური დამატებითი პორტფელის მომსახურებისთვის.

ორმხრივი ხელშეკრულების პლატფორმის (OTC) ოპერირების საფასურს განსაზღვრავს სენბი, გენერალური დირექტორის ბრძანებით და ინფორმაცია საფასურების შესახებ ხელმისაწვდომია სენბის ვებგვერდზე. OTC პლატფორმის მომსახურების საფასური შედგება შემდეგი კომპონენტებისგან:

- OTC პლატფორმაზე დაწყვილებული ყოველი მგვტ-სთვის;
- წლიური საფასური OTC პლატფორმაზე დაშვებისათვის;
- OTC პლატფორმაზე პროდუქტის დამატების საფასური.

სეგმენტი	კატეგორია	დარიცხვის (ინვოისის გამოწერის) დრო	გადახდის ვადა
DAM/IDM ცვლადი	ბირჟაზე ნავაჭრი ყოველი მგვტ.სთ ელექტროენერჯისთვის	საანგარიშო თვის დასრულებიდან 5 სამუშაო დღის ვადაში	ინვოისის მიღებიდან 5 საბანკო დღის ვადაში
DAM/IDM წლიური	წლიური საფასური ბირჟაზე დაშვებისთვის	არსებული მონაწილე: არაა დაკონკრეტებული წესებში. ინვოისი გამოიწერება გადახდის ვადამდე გონივრული დროით ადრე	არსებული მონაწილე: არაუგვიანეს კალენდარული წლის დაწყებიდან 10 საბანკო დღისა ახალი მონაწილე: კალენდარული წლის ბოლომდე დარჩენილი თვეების პროპორციულად (რეგისტრაციის/პორტფელის დამატების თვის ჩათვლით)
DAM/IDM პორტფელი	წლიური საფასური ბირჟაზე დამატებითი პორტფელის მომსახურებისთვის	ახალი მონაწილე: ინვოისის გამოწერა არ ხდება. მონაწილე იხდის რეგისტრაციამდე	

OTC ცვლადი	OTC პლატფორმაზე დაწყვილებული ყოველი მგვტ-სთვის	საანგარიშო თვის დასრულებიდან 5 სამუშაო დღის ვადაში	ინვოისის მიღებიდან 5 საბანკო დღის ვადაში
OTC წლიური	წლიური საფასური OTC პლატფორმაზე დაშვებისათვის	საანგარიშო თვის დაწყებამდე 5 სამუშაო დღით ადრე	საანგარიშო თვის დაწყებამდე
OTC პროდუქტი	OTC პლატფორმაზე პროდუქტის დამატების საფასური	მოთხოვნის შესაბამისად	ინვოისის გამოწერიდან 5 სამუშაო დღის ვადაში

ცხრილი 2

ცვლადი საფასურის გამოწერა ხდება თითოეული კომპანიისათვის ჯამურად, მის მიერ ყველა პორტფელით ნავაჭრი ელექტროენერჯის გათვალისწინებით.

ინვოისების გამოწერა ხდება სენბის მიერ და ეგზავნებათ მონაწილეების საკლირინგო წარმომადგენლებს, ასევე იგზავნება მონაწილის მიერ რეგისტრაციისას მითითებული ოფიციალურ ელექტრონული ფოსტის მისამართზე.

მომსახურების საფასურის გადახდა ხდება სენბის მიერ ამ მიზნით განსაზღვრულ საბანკო ანგარიშზე. გადახდისას დანიშნულებაში უნდა მიეთითოს შემდეგი ინფორმაცია: **მომსახურების სახე/სახეები, მომსახურების პერიოდი, ინვოისის/ინვოისების ნომრები.**

საბანკო ანგარიშის რეკვიზიტები:

ბანკის დასახელება	სს "თიბისი ბანკი"
მომღები	სს „საქართველოს ენერჯეტიკული ბირჟა“
SWIFT	TBCBGE22
IBAN	GE85TB7434736030100004

E. პირგასამტეხლო

მონაწილეს პირგასამტეხლო დაეკისრება კანონმდებლობისა და ელექტროენერჯის დღით ადრე და დღიურ ბაზრებზე მონაწილედ რეგისტრაციის შესახებ განცხადების (რომელიც ბაზრის წესების შესაბამისად მიიჩნევა მონაწილეთა შორის შეთანხმებად). პირგასამტეხლოსთვის ინვოისის გამოწერა, ასეთი არსებობის შემთხვევაში, ხდება ყოველი თვის ბოლოს. სენბი ინვოისს პირგასამტეხლოსთვის გამოწერს უფრო მოკლე ვადაში, თუ მას სენბი მიიჩნევს მნიშვნელოვნად, ან არსებობს მონაწილის გადახდისუნარიანობის რისკი, ასევე სხვა გონივრული მიზეზის არსებობისას. პირგასამტეხლოს ჩარიცხვა ხდება სენბის ანგარიშზე შემდეგი რეკვიზიტებით:

საბანკო ანგარიშის რეკვიზიტები:

ბანკის დასახელება	სს "თიბისი ბანკი"
მომღები	სს „საქართველოს ენერჯეტიკული ბირჟა“
SWIFT	TBCBGE22
IBAN	GE85TB7434736030100004

F. გარანტიის განაღდება

მონაწილის მიერ ინვოისითა და კანონმდებლობით განსაზღვრულ ვადაში ვალდებულების შესაბამისი თანხის სრულად ან ნაწილობრივ გადაუხდელობის, ასევე ბირჟის ოპერატორის წინაშე არსებული სხვა ფინანსური ვალდებულების ვადაში სრულად შეუსრულებლობის შემთხვევაში, სენბი იწყებს მონაწილის მიერ წარმოდგენილი გარანტიის განაღდებას, რის შესახებაც აცნობებს მონაწილის საკლირინგო წარმომადგენელს.

გარანტიის განაღდება ხდება შემდეგი თანმიმდევრობით:

- თუ მონაწილეს აქვს თანხა განთავსებული დეპოზიტზე, პირველ რიგში ხდება მისი გამოყენება. დეპოზიტზე განთავსებული თანხის ათვისება ხდება იმავე დღეს, როცა მონაწილეს უკისრებოდა გადახდის ვალდებულება;
- თუ დეპოზიტზე არ არის განთავსებული საჭირო რაოდენობის თანხა, სენბი იწყებს იმ გარანტიის განაღდებას პროცედურას, რომლის განაღდებაც ყველაზე მოკლე დროში არის შესაძლებელი:
 - დეპოზიტის შემდეგ, სენბის იყენებს შესაძლებელია პირის მიერ ვალდებულების შესრულების საშუალებას და აღნიშნულის შესახებ მონაწილესთან ერთად აცნობებს შესაძლებელ მხარეს;
 - საბანკო წერილი არის ის ფორმა, რომლის განაღდებაც ხდება ყველაზე ბოლოს. განაღდებას მოთხოვნით გარანტიის გამცემს მოთხოვნა ეგზავნება იმავე დღეს, როცა მონაწილეს უკისრებოდა გადახდის ვალდებულება;

გარანტიის განაღდებას პარალელურად, ცვლილება აისახება საკლირინგო ანგარიშზე და შესაბამისი თანხით შემცირდება მონაწილის გარანტია (შესაბამისად, სავაჭრო ლიმიტი).

იმ შემთხვევაში, თუ გარანტიის განაღდებას პროცესში, მის განაღდებაზე მონაწილემ გადაიხადა ინვოისით/ინვოისებით გათვალისწინებული თანხა და სურს საბანკო გარანტიის განაღდებას პროცესის შეჩერება, მან ამის შესახებ დაუყოვნებლივ უნდა აცნობოს სენბის, რომელიც:

- შეაჩერებს საბანკო გარანტიის განაღდებას პროცესს, თუ ეს ტექნიკურად შესაძლებელია და ამის შედეგად სენბის არ დაეკისრება რაიმე ხარჯი, ან
- გაანაღდებს საბანკო გარანტიას, ხოლო ჩარიცხულ თანხას მიმართავს დეპოზიტზე.